

Dolfo Nardini

I nomar de' lot dal ca populeri


Numeri 21-30



tosca

Dolfo Nardini

I nomar de' lot dal ca populeri




Dolfo Nardini



I nomar de' lot dal ca populeri

Numeri 21-30



tosca



**Due sono le porte del sonno:
una è di corno
da cui escono facili l'ombre che
portano i sogni veri, l'altra di
nitido avorio
da cui mandano i Flani i sogni
falsi nel mondo.**

Da: Eneide / Virgilio

21

Vinciun u l'fa i Caplet (21);

Magné e' pes fret (21); e' Fegat fret (21); pó la Farteda ad brocul (21); e' Spument (21); e' Bicir d'lat (21); l'Acua de' fiom (21); L'Acuamarena (21), ch'u n'è l'Acua de' mer (36) mo l'è un Sas (41) ch'l'è Transparent (25) e culurè ad Celest (43). Vinciun la Lengua (21). A Biastmé i sint (21). Dì dal madoni (21), e nench Dì mel ad un (21). Vinciun e' Rog (21). A Fè di Virs (21). E' Neguzient (21). La Banda (21). A Scor cun i prit (21) o i cun i frè (21). E' Fer vec (21). Dmandè la carità (21). La Cheusa ad tribunel (21). L'Avuchet ch'e' difend (21). L'Arengha (21), ch'l'è e' scors in tribunel, e non un pes (15). E' Ches (21). A Turmantès (21). A Sluntanè o a Lamatès di amigh (21). La Bicicleta (21). Svigis (21). Varnisé dal finestri (21). Apuzès mel (21). Purtè dal robi a e' mont d'pietà (21). Fè e' nod a e' nastar (21). J Impieghè de' cumun (21). La Sgumiteda int la faza (21), che l'è quel ch'i s'merita. A 'Mazé un vigile (21) o nenca un Puliziot (21). 'Mazè un nemigh (21). E' Fes-c de' mort (21), ch'u n'è cmé e' Fes-c de' treno (71). E' Castel cun i sperit (21). Avdèi un fantesma (21). L'Esator dal tasi (21), che quand t'al vè e' fa guasi più

paura. Acsé e' Ricatador (21) e Quel, Beato (89) a lo, ch'u n'à paura (21). Quel ch'l'èra (21). Dè da bei al bes-ci (21). Acumadè dal stredi (21). Andè int la biblioteca (21). Adurè e' dieval (21). I Pchè (21). Al Cherii int i dint (21). A Buté zó 'na cisa (21). Tenz dal matasi (21). A Truvè ca (21). A Impristè e' caval (21). E' Frè in mision (21). Andè avdèi la bocs (21). Rizé di cavel (21). Met la froda a i cusen (21). La Cusena (21), però no e' Cusen (50). Pasè a la cresma (21). Inzighì un (21). E' Vstì verd (21). La Machina cla sbanda e cla s'arborta (21). E' Disten (21)... E pó e' basta. A sò Sfinì (21).



22

Vintdó, la Strolga (22),
ch'la Lez incua int al cherti quel
che pó e' suzidrà (2). L'era
l'Imstir (57), i geva, dla Nona de'
mi ba (67) e nench dla Zopa (49),
che la staseva ad là, int e' prem
Repert (69), int e' sgond pien, dal
Ca populeri (59) e che s'ta la
Ciamita (52), lia la s'faseva avdéi
da la Teraza (11) e pó sta j e'
Dmandita (16) la t'Buteva zó
sempra vent franchin (26).
Vintdó l'è e' Mat (22) o i Mat (22),
ch'u i n'è un strabigh. L'è Quel
ch'e' va a puteni (22). Al Doni
broti (22). Vintdó l'è a Fè e'
pataca (22); Invidé a e' bar (22);
Ciapè dal moschi (22), e Inciudè
e' purton (22). L'Aver (22) e
l'Avarizia i fa vintdó (22). Vintdó,

quand i t'Da dria cun e' baston (22). Vintdó e' Sarpent ch'e' fescia (22); al Meli (22); Spend di boch (22), e la Benedizion (22). Vintdó l'è e' bon Cunsei (22), ch'e' s'l'è cativ invece e' fa vincia (26). Santì un rumor (22). Tenz dal teli (22). Sfarghès (22). Sciazè dal didi (22). Vintdó e' Pogn int la faza (22); la Gazosa (22); Caghì dop a la purga (22); e' Bigliet ch'u s'manda a la murosà (22). Vintdó, l'è Spusè ona cun di boch (22). Ch'e' sareb quel che u s'avreb da fè e l'era quel ch'aveva da fè me.



23

Vintré, l'è e' Por Pataca (23); l'Ingenuv (23); Che trop bon (23). Vintré, l'Espres (23); e' Foi bulè (23); e' Canton (23). Vintré, la Povertà (23); i Sorgh (23), e la Flebite (23). Vintré, Parghè (23); Lez ben (23); Fè de' Casen (23); Vintré, Smacè di vstì (23); Fè sguzlè i pan (23), e a stendi (23); Lavèi l'è seg (16); stentun s'l'è biancheria (71). Vintré e' Sufret (23), che me a n'e' pos santì, e da Babin (1) u m'Svigiva (10) la su Poza (59). Vintré e' Paier ch'e' brusa (23), ch'un mi Amigh (19) u l'Zandet (32) cun la Candela (65), mesa ad dentar 'na Zoca (22), cun la Faza dla morta (43), acsé, par Fè paura (68). Vintré l'è Rel, ch'l'è l'Imbariig ch'e' chenta (23). Che j i geva Rel, mo e' Nom (64) l'era Cirel. Che a Canté (65) l'era brev mo u s'Vargugniva (81) e par cantè e' Rapeva int una pienta (64). Vintré l'è Quand ch'u t'tira (23). L'è Quand ch'e' vola dal gran Moschi (23) in zir. Quand ta n't'la aspet, e l'Ariva

l'eredità da 'na tu zia (23). Vintré, l'è la Timpesta, ad tera (23) e non ad mer (39). E' Ris (23). Quel ch'l'è simpatich (23). E Bo ch'e' mogia (23). La Culata (23). E' Castel (23). La Cagna morta (23). La Tosca, ch'l'era mei lia che ne una masa ad s-cin. Vintré, Siacuè i bicir (23). Plè i zacul, e' fa 'ncora vintré (23). Vintré l'è l'Utum (23). Vintré, l'è andè a e' cinema, e Durmì (23).



24

Vinquatar j Oc (24).

Avdéi (7) e' fa sol set. Però vinquatar u l'fa la Vesta bona (24). Queng cla cativa (15). Vinquatar i Galantomani (24) che 'des t'ai pù Zarchè (38) cun la Lanterna (12), e che una volta invece pó... precis! Vinquatar u l'fa e' Nes longh ch'l'à l'elefant (24); e' Lion mort (24); e' Cavalin maren (24); e' Bo (24), e e' Papagal (24), distes ch'e' sia l'usel o e' sia e' Gagà (24). Vinquatar l'è l'Urloz (24), e nench la su Cadena (24). Vinquatar l'Oman sporch (24); la Dona cun la rogn (24); e' Caret pin ad merda (24); i Spazadur (24). Vinquatar l'è a Scarzé cun i burdel (24). Vinquatar l'è e'

Purtner (24), che la Purtnera (39) la segna trentanov. Vinquatar l'è e' Zuvnot (24); La Moi ch'la chenta (24); e' Genitori (24); pó Quel ch'u n'à e' lavor (24); e e' Camarir (24). Vinquatar, e' Turch (24); l'è Quel ch'e' vend i libar (24); e' Libar rot (24), e nenca quel durè (24). Vinquatar l'è la Cisa par j ebrei (24). Slarghès (24); e' Fighitin (24); u l'fa e' Liton (24); Indurmantès in cisa (24), e nench la Punizion (24). Vinquatar la Vizilia de' Nadel (24).



25

Vinzenqv e' Fnoc (25),

Ch'l'è quel ch'u l'tó int e' cul, no la verdura.
Che s'l'è verdura (47) e' fa quarentaset.
Vinzenqv u l'fa la Fiola (25), s'la è nenca
inamureda l'è precis (25). Ch'e' sareb mei
cun Un cun di baioch (25). Vinzenqv,
l'Efeminè (25) ch'e' sipa un fnoc o no.
Comunque s'u n'è fnoc a sam a lè.
Vinzenqv, e' Mat ch'e' rogia (25); Dè di s-
ciafun (25); e Portafoi rubé (25). Vinzenqv,
l'è e' Gal (25), e nenca la su Cresta (25).
Vinzenqv, Piov a zil sfond (25) e e' Ragaz
ch'e' chenta (25). Vinzenqv; Rid dria (25); a
Misuré di pen (25); a Romp di vidar (25); al
Purazi (25); a Tiré i sas (25). Vinzencv e'
Castagn (25), e al Castagni (25); e' Burdel
'bandunè (25); la Simunela (25). Vinzenqv a
Mnè una dona (25); e' Capiten dla neva (25);
Caves i vstì e pó andes a let (25). Vinzenqv
la Cantena in dù ch'u i sta e' carbon (25) e
pó e' Petroli (25), che j i dis nenca e' Canfen
(25). Vinzenqv, la Legna 'zesa (25); e' Sulfati
(25); e' Foi stampè (25); Ciud una streda
(25); e' Finanzir, s'l'è mort (25); Taiès cun e'
rasur (25); e' Baghen rez (25); e' Cascamort
(25), e nenca a Badè un mort (25).


Vinzenqy, a Divartùs, però a la granda (25); Tnès par la men (25); La Culena, mo sol ad predi rosi (25). Vinzenqy, u l'fa a Spurchè (25) e nenca a Spurchès (25); la Fila ad pel (25), cun sora un Brench d'usel (25); e' tu Usel ch'u s'indura e u n's'smurbia piò (25), ch'e' pèr una Furtona (90), mo l'è Sfiga (19). Vinzenqy, Nadel (25); e' Presepi (25); e' Lumin 'zes (25). Vinzenqy, la Bebia (25); Quel ch'e' vend e' lat (25); e' Cunsiglier dla zunta de' cumun (25). Vinzenqy, u l'segna la Bela ciciota (25); Arcurdès de' muros (25) o dla murosà (25). e' Ministeri (25); al Furzeni d'uton (25); la Fabrica ad liquori (25); i dint (25); Finì (25).



26

Vincia, la Magnaos-ci (26).
Ciavès la moi (26). L'Useri
(26). Vincia, Incastrè (26).
Incastrès (26). Lighì cun dal
cadeni (26). A Ès in parson
(26), cius a là int e' scur.
Vincia, e' Puliziot 'mazè (26).
La Dona cativa (26), che la
m'à Denunzì (26). E' Cumpagn
ad parson (26), che par
Pigrizia (26) e' Pesa int l'urineri
(26) d'int e' let, e u n'ariva a
Pisì (70) ch'la e' Mel dla preda
(26). Vincia, cla Ledra (26) che
la m'à imbruì (26), e i S-ciafun
ch'a j ò dè (26). Vincia, quel
ch'ò Patì (26), Clet dé (26),
me, ch'à sò Inamurè e disperè

(26). Ad chi? Mo ad lia. Lia cla
fa la Putena int l'ustaria (26).



27

Vincet, l'Imezna (27).

La tua, quella d'un ent, toti acsé pur ch'e' sia. Un Quedar (54). A Vdés int e' spec (35). Nenca una Stempa (53) o 'na fotografia (49). Tot e' pò fè vincet, basta ch' u n'sipa vera, basta ch'e' sipa sol una Figura (47). E' pó u j è e' rest: la Bara (27); a Splì di murt (27); e' Funerel da poch (27); Abandunè un burdel 'pena nasù (27); la Mostra (27), ch'l'era la "Settimana cesenate" da e' Cardoz; e' Cul ch'e' smesa; e pó 'ncora e' Cul sporch (27); e' Car cun la mundeza (27), o nench pin 'd merda (27); la Merda ad gat (27); e' Pen fresch (27); Al Pulpeti freti (27); e' Scartoz di baioch (27); l'Anel fels (27); la

Testa ad spel (27) ch'la tin só ad
pió ad mel Diival (60); un Anzul
pituré (27); nench l'As ad spedi
(27); Furès cun l'egh (27); Quel
ch'e' fa rid (27); e' Pianet (27); e'
Fior de' per (27).



28

Vinciot Ciavè (28),
e e' putreb nench bastè. Mo
nench Basè (28) u n'è da
buté via. Che se la s'fa
basè... dai ona e pó dai
dó... chi sa che u ngn'i si
Ariva (46). Vinciot l'è nenca
al Teti (28), un "Seno" (69),
ch'l'è una Teta (69) nenca
ad piò. L'ariva a Sentanov, e
l'è un Misteri (71). Vinciot, la
Balarena (28), la fiola dl'Iris
(22), ch'la Liziva (6) al Cherti
(52), che la sta 'ncora a là
int e' prem Repert (69).
Vinciot, e' Curidor in
bicicleta (28), mo nenca

Quel ch'u n'cor (28) e u i zira sol. Vinciòt, u l'fa e' Fasen (28); Quel ch'l'è Rubost (28). L'è la Gramegna (28); j è j Anzul ch'i dorma (28); e' Brus (28); e' Capuzen (28); e' Campsent vert (28); Bulì (28); Caghì int la pgnata (28); e' Regicalze (28), e nenca l'Architet (28).



29

E' Caz (29),

cumé ch'e' sipa, e' fa vintnov. Vintnov, e' Saral (29); e' Tler (29); e' Bucion svuit (29); a 'Zend dla paia (29); al Bombi (29); la Cancrena (29). Vintnov, l'è e' Burdel pers (29); l'Analfabeta (29); l'Ignurent (29); al Castagni (29); a Tartaié (29). Vintnov, Mucì dla sabia (29); e' Ledar quand ch'e' scapa (29); i Bicir rot (29); la Poza de' catram (29); e' Cuntaden ch'l'è mort (29); Ragné cun j avuchet (29); o cun i murt (29), cmé a ragné cun e' Mur (41) che l'è precis.


Vintnov, a Scor in cisa (29);
l'Anzul ch'e' cumparés (29);
Quel ch'l'à di vizi (29); la
Zanzeia infiameda (29); la Civa
ch'ò pardù (29) cmé quela
ch'ò trueda (29); Ciavés (29),
e no' Ciavé (28), cumé e'
vinciot.



30

Trenta e' Disten (30).

L'Itaglja (30), e e' Parmigen (30). Trenta l'è e' Dzun (30), e nenca un Brench 'd baghen (30). Santì la mesa (30). La Fotografia (30). La Reda (30), e enca e' Capel, s'i t'l'à fregghè (30). Scapè d'in ca (30). E' Ledar bastunè (30). I Dint ch'l'à l'Elefent (30). La Bocs (30) Sparimantè (30). 'Baié (30). A Sfracasès o Sfracasè (30). E pó nenca a Incazès (30). No l'Incazè (36).



Il costo del volume è
di 20 euro

E' possibile farselo inviare
richiedendolo alla libreria Bettini
di Cesena (0547-21634)
senza ulteriori spese di
spedizione



© 2007 Tosca
Via Verghereto, 44 Cesena



tosca è associata a Viaterrea
www.viaterrea.it

Se un l'è e' Sol, nuventa la Paura
chùtar utentot i è ancora da truvè
mo i darà fora, te no' 'vé paura
no' 'ndè s dmandéi in zir
da reta a me

